

Solo Favente Deo.

9.26. num. 13. ~~2.14. 31~~

20
/

DECADES TRES POSTERIORES
QVÆSTIONUM CONTRO-
versarum Civilium & Saxoni-
carum

1618, 4

Ex Jure Arresti.

Quas

PRAESIDE

SIGISMUNDO FINCKELTHAUS I. U. D.

Exercitij publici gratiâ defendet

JOHANNES HEIGIVS Witeberg.

Ad diem 26. Novemb. horis locoq; consuetis.



LIPSIÆ

Excudebat Laurentius Cober.

ANNO M. DC. XVIII.



6913



14

Solo Favente Deo.

DECADIS TRES POSTERIORES

QUAESTIONUM CONTRA

vetarum Civilium & Saxonum

Ex Jure Arctici.

PARISIAE

SIGISMUNDO PINCKELTHANS I. R. D.

JOHANNES HEIGINZ Witteberg.


Ad diem 20. Novem. b. horis sextis: consuevis.



LIPSIÆ

Excudebat Laurentius Coper.

ANNO M. DC. XVIIII.





S Equuntur reliqua ad ma-
teriam Arresti quaestiones
controversae, quae ad cir-
cumstantias temporis et lo-
ci, ad formam & modum
de jure Saxonico prosequen-
di, effectum, pacta, poenas, actiones, relaxa-
tionem, & caetera referri possunt.

Quaestio

I.

Nundinarum tempore debitor arre-
stari non potest. (a) Sed est ne nundi-
narum locus intelligendus non saltem
ille, in quo nundinae celebrantur, sed &
intermedius itineris locus, per quem
forte debitor ad nundinas ire & redire so-
let? Neg. (b)

(a) (1.) *Arg. l. un. ibi: ut nullum in mercatib. C. de nund.*

(2) *per const. Elect. 30. p. 1. versic. Wir wollen aber sonder-
lich.*

lich). Ratio est, ut merces ad humanæ vitæ conservationem
necessariæ eò liberius & majori copiâ à securis mercatori-
bus convehantur.

(b) Ratio (1.) quia beneficium hoc est locale, ad locum
scilicet ubi nundinæ celebrantur restrictum: *per dict. l. unic.
in fin. ibi: ibidem concurrentibus. C. de nundin.*

(2) *per Constitut. Elector. 30. p. 1. vers. fin. ibi: Innerhalb der
öffentlichen Märkte. Cum igitur hoc privilegium INTRA
nundinas servandum sit, non debet EXTRA eas exten-
di. Dan. Moll. ad dict. constit. 30. n. 10. Diss. Harprecht. in
process. judiciar. decad. 23. concl. 8. n. 9 per jura ibi alle-
gata.*

II.

An debitor ejusvè bona, nundina-
rum tempore ob debitum in ipsis nun-
dinis contractum arresto detineri pos-
sint? Neg.

Ratio, quia Constit. Elector. 30. varias Dd. opiniones in
princ. rejicit, & postea omnes casus complectitur. *ibi: In
allen Fällen/ Item: Kein Arrest. Item: Niemand's. Et ita in E-
lectoratu Saxonie observari tradit Moll. d. const. 30. n. 9.*

III.

Debitor fugitivus & de fuga suspe-
ctus, ejusvè bona an tempore nundina-
rum arresto constringi queant? Neg.

Ratio (1.) quia *d. l. un. C. de nundin.* generaliter loquitur
ibi: ut nullum conveniant. Et ibi: aliquam molestiam inferre.

(2) per

(2) Per generalia verba d. *constit. Elector. 30. ibi: In allen Söllen.* Atque sic in nundinis Lipsiensibus etiam observari testatur Moller. *ibid. n. 6. Diss. Bernh. Gravæus lib. 2. prætic. conclus. 44. confid. 1. n. 25. 26.*

IV.

De nocte an Arrestum concedendum? Aff.

Ratio, quia quamvis tempus nocturnum ad actus judiciales expediendos incongruum & indecorum videatur, *capit. consuluit. 24. circa fin. extr. de offic. & potest. jud. delega.* Possunt tamen propter necessitatem, si res tempore est peritura, etiam de nocte partes à iudice accommodari. *arg. l. 1. §. sed excipiuntur. 2. ibi: si res tempore peritura sit. l. 2. & 3. ff. de feriis.* Pet. Gilken. *ad l. non minorē. 20. n. 6. C. de transact.* Polydorus Ripa *tract. de nocturno tempore. cap. 134. n. 39.* Diss. Rütger Ruland. *tract. de commissar. par. 4. libr. 4. cap. 6. n. 19.*

V.

An & die festo divinæ majestati dedicato? Aff.

Ratio, quia feriæ non habent locum, ubi periculum est in mora, ne occasione unius momenti res tota pereat. *l. omnes. 3. C. de feriis. l. 1. §. 2. l. 2. & 3. ff. eod. cap. significaverunt. 21. in fine. ubi Panormita. n. 23. 24. extr. de judic.* Peck. *de jure sisten. cap. 7. n. 1.* Huc pertinet, quod scitè & prudenter Iureconsultus quidam interrogatus, quidnam feriis agi liceret? respondit, quod noceret prætermisum. *Diss. Colerus de process. execut. par. 3. c. 17. n. 90. per l. final. C. de feriis.*

A 3

VI. Num

VI.

Num in æde sacra, monasterio, & auditoriis publicis alicujus Academiae, debitor liberè arrestari possit? Aff.

Ratio, quia à tempore ad locum valet argumentatio. *argum. l. vinum. 22. ibi: cuius temporis. Et ibi: cuius loci. ff. de rebus credit.* Sed Arrestum fieri potest, si periculum sit in mora, etiam tempore feriato. Videatur præcedens quæst. 5. E. & in loco sacro & aliis privilegiatis. Moll. libr. 3. semest. cap. 44. n. 4. ibi: nullo habito discrimine. Diss. Covarr. lib. 2. var. resol. cap. 20. n. 14. Peck. de jure sisten. capit. 6. num. 1. 2. & alii ibi relati.

VII.

Num & in domo sua? Aff.

Ratio, quia quamvis domus tutissimum cuique refugium atque receptaculum sit contra vim. *l. plerique. 18. ff. de in jus vocan.* Per arresti tamen denunciationem nulla debitori fugitivo, vel suspecto de fuga, vis, nulla extractio inferitur. *arg. l. dies. 4. §. prator. 5. ibi: verecundè autem prætorem denuntiari debere, non extrahi de domo sua. ff. de dam. infect.* Iason in *l. pleriq.* 18. n. 26. *ff. de in jus vocan.* Diss. Peck. d. c. 6. num. 3.

VIII.

Iudici de debito fides fieri debet, antequam arrestum decernat. (a) At quomodo:

modo: An faltem per literaria docu-
menta? An & per testes? (b) Utroque
modo. An etiam per solum juramen-
tum? (c) Arbitrio judicis relinqui-
mus.

(a) Ratio est, quia subest ignominia quædam, quam ar-
restum infert, ideò illud judex præcipitanter & præprope-
rè decernere non debet.

(b) Juris civilis ratio suadet, ut debitor suum debitum
tàm per testes, quàm per literaria documenta probare pos-
sit. *arg. t. t. ff. de probation. & t. t. ff. de fide instrument.* Vti Do-
ctores hac in re consentire videntur. Peck. de jure sisten. c.
11. n. 3. Mascard. de probatio. vol. 1. concl. 455. n. 2. Kop-
pen lib. 1. decis. 29. n. 16. & plures ab his citati.

In Electoratu verò Saxonix, creditori arrestanti neces-
sarium videtur, ut debitum suum instrumentis aut aliis fide
dignis documentis ostendat. *Zorgaw. Ausschreiben. tit. Von
Arrest / wie derselbige zu verstaten. Ibi: Durch Bhrfunden / oder
andern glaublichen Schein. Col. de process. exec. par. 3. c. 11.
n. 77. ibi: originale vel saltem exemplar fide dignum.*

(c) Ratio est, quia res hæc magni est præjudicii, ideò ar-
bitramur judicem discretum considerare debere, an jura-
mentum pro decernendo arresto videatur sufficiens. *arg. l.
metus. 3. ibi: sed hujus rei disquisitio judicis est. ff. ex quibus caus.
major. l. Mevia. 13. §. uxore. 1. ibi: non posse absolutè responde-
ri, cum multa. & c. ff. de annuis legatis. Menoch. arbitr. judic.
quæst. lib. 2. cent. 1. cas. 87. n. 6. Bernh. Græv. pract. concl.
l. 2. concl. 44. confid. 1. n. 14.*

IX.

Ad formam Arresti Saxonici po-
tissi-

tissimūm pertinet, ut creditor à primo arresto impetrato & introducto, illud interjectis quatuordecim dierum intervallis, bis renovet, & tertià vice, à prima scilicet arresti impetratione computanda, libellum simul arrestatorium judici exhibeat. (a) Sed nullumné est arrestum, si creditor in intervallum illud 14. dierum antevertat, puta 11. vel 12. aut 13. & sic ceteriori die renovet? Aff. (b)

(a) *Const. Elect. 29. p. 1.*

(b) Ratio (1.) quia forma à lege vel statuto præscripta, ad unguem observanda est, adeò ut actus formã non observatã gestus, ipso jure nullus efficiatur, & hæc quidem formæ ommissio in qualibet vel minima sui particula totum actum vitiat, cum indivisibilis sit & inseparabilis. *arg. l. scire. 13. §. consequens. 4. ff. de excusat. tutor. l. cum hi. 8. §. si prator. 17. ff. de transact. Rauchbar. p. 1. q. 3. n. 7. & 8. ubi ex Dd. addit, hoc præsertim procedere, si apposita sit clausula cassatoria, usque adeò, ut & in forma ne horæ quidem momentum immutari possit.*

(2.) per clausulam cassatoriam d. *Const. Elect. 29. p. 1. ibi: Und wo diese Form von einem Arrestanten vberschritten/ so soll der gesuchte Nummer nichtig seyn.* Et extat in hanc rem Rescriptum Electorale novissimum ad Facultatem Iuridicam Lipsiensem de die 15. Decembr. An. 1606. *Diss. Moller. ad d. const. 29. n. 2. & seqq. Rauchbar. d. q. 3. n. 19, 20.*

An

X.

An creditor hoc spacium quatuordecim dierum in unum terminum peremptorium convertere & complicare possit, ita ut si in primo vel secundo termino libellum arrestatorium judici simul offerat, ulteriori renovatione opus non habeat, & arrestum subsistat? Neg.

Ratio (1.) quia forma, in d. Const. Elector. 29. præscripta, sic non observatur, quæ tamen præcisè adimplenda est.

(2) quia intervalla quatuordecim dierum in favorem debitoris concessa & ampliata sunt, ut is interea de mediis solvendi cogitet, vel cautionem præstet, quocirca in ejus odium angustari non debent. *arg. l. quod favore. 6. C. de legibus. Diff. Rauchbar. d. q. 3. n. 21. Zanger. de except. part. 2. capit. 1. numer. 268.*

XI.

An arrestum indebitè & injuriosè factum, ex justa superveniente causa confirmetur? Neg.

Ratio (1.) quia omisio formæ specificæ reddit actum ipso jure nullum. Quod autem nullum est ab initio, quod tamen in quaque re potissimum inspiciendum, *arg. l. 1. ff. de orig. jur. tractu temporis non convalescit. l. quod initio. 29. de R. I. cap. non firmatur. 18. de R. I. in 6.*

B

(2) arg.

(2) *argum. l. 1. §. hac verba. §. vers. proinde si ob falsum creditum. ff. ne vis fiat ei, qui in possess. missus est. Peck. cap. 12.*

XII.

Si debitor injustè arrestatus fidejussores dederit, numquid eo ipso arrestum approbare, injuriamque remittere creditori intelligatur? Neg.

Ratio (1.) quia actus agentium nihil operatur ultra eorum intentionem. *arg. l. non omnis. 19. ff. de rebus credit.* Sed debitor injustè arrestatus fidejussorem dans, non eum idè dat, ut actionem injuriarum tollat, sed solummodò, ut arrestum impediatur. Ergò hic actus intentionem debitoris fidejussorem dantis egredi non debet, & sic arrestatus nihilominus injuriarum contra arrestantem agere potest, cum sciat jus suum sibi durare. *arg. l. sicut re. 8. §. non videtur. 15. ff. quibus mod. pignus vel hypoth. solvatur.*

(2) quia ubi lex aliam conjecturam non remissi juris habere potest, earum omisio ad extinctionem actionis debitori competentis nullo modo sufficit. *arg. capit. super hoc. §. extr. de renunciat. Peck. cap. 13. n. 6.*

XIII.

Arresto nullo pronunciato, quod formalia & solènitates non fuerint observatæ, an nihilominus debitor ad libellum tanquam per viam ordinariam obla-

oblatum respondere, & litem contesta-
ri teneatur? Aff. Si debitor coram illo
iudice ratione domicilii vel contractus
forum fortiatur.

Ratio est, quia liberum est creditori post arrestum etiam
rejectionem, ex chirographo debitoris agere, frustra igitur
novus libellus petitur, circuitus enim in iudicio vitandi, ne
longa mora eos ~~in~~, qui in iure controverso hærent, atterat.
*Novell. 159. in princ. præfat. Moll. lib. 4. sem. capit. 12. Zan-
ger de except. part. 2. cap. 1. n. 269.*

XIII.

Arrestum ex una causa, nempe ex
mutuo impetratum, an extendatur etiã
ad aliam causam, puta exemptione, ita
ut creditor bona arrestata ex illa retine-
re possit? Aff.

Ratio, quia creditor per arrestum hypothecam & jus rea-
le consequitur. *Const. Elect. 28. p. 1. ibi: Eine dingliche Ge-
rechtigkeit der Prioritet halben.* Non tantum autem ob pignus
traditum, sed etiam ob hypothecam non traditam res à
creditoribus ob aliam chirographariam pecuniam retineri
potest, scilicet ille rem à debitore per hypothecariam a-
vocat, & postea eandem pro alio credito chirographario re-
tinet. *l. unic. C. etiam ob chirographar. pecun. pignus retin. posse.
Negusant. de pignor. part. 1. membr. 3. part. 5. princip.
numer. 48.*

B

2

Ar-

XV.

Arrestum ad omnia bona generaliter impetratum, an ad bona futura extendatur? Aff.

Ratio, quia sub hypotheca generali, omnia omninò, etiam bona futura comprehenduntur. *l. fin. C. que res pignori obliga. l. Titius. 21. fina. ff. qui potiores in pign.* Sed per arrestum generale, generalis hypotheca inducitur. dict. constitut. Elector. 28. part. 1.

XVI.

An arrestum generale in Consistorio Principis factum, ad debitoris bona sub tutelari, itemque incorporata, at non hæreditaria Principis jurisdictione sita, extendatur? Neg.

Ratio est, quia jurisdictionum non debet fieri confusio. *argum. l. si per errorem, 15. ff. de jurisdiction. l. si quis ex aliena. 5. ff. de judiciis.*

XVII.

Bona arrestata à debitore alienata, an à creditore arrestante revocari & vindicari possint? Affirm.

Ratio,

Ratio, quia arrestantes per arrestum jus pignoris & privilegium reale consequuntur. Const. Elect. 28. p. 7. §. ferner sollen. Qui autem jus hypothecæ habet, bona hypothecata alienata à quocunque possessore potest vindicare. *l. distrahtis 14. C. de pignorib.*

XVIII.

Innotescit de fuga mercatoris cujusdam duobus creditoribus, quorum unus judicem non quidem pro tribunali sedentem, sed in via fortè publica euntem accedit, arrestum petens, judex eum post horam redire jubet, & interea tempus petiti à se arresti domi in librum suum refert: Mox alter creditor quasi prævertens judicem adit, & de arresto sollicitat, simulque impetrat: Uter ex his duobus, prioritatis privilegio gaudebit, isné, qui prior petierat, an alter, qui prior impetraverat? Is qui prior petiit.

Ratio, quia quamvis ad petitionem creditoris prioris sibi vigilantis certa judicis declaratio non sit subsequuta, consensisse tamen censetur eo ipso, quia tempus annotavit, & quia arrestum expressè priori non denegavit, causamque nullam denegandi habuit. *arg. l. qui dotem. 37. ff. soluto matrimonio. Moll. 3. sem. 44.*

B 3

De



XIX.

Debitor arrestatus an propriis an alienis sumtibus alendus sit? Propriis.

Ratio (1) quia ita in bonis sequestratis observatur. *arg. l. si quando. 7. fin. ibi: ut ex iisdem tantum litis sumtus & alimentis subministratur. C. de ordine cognition.*

(2) quia idem in missione in possessione juris est. *arg. l. sed si is. 5. §. an autem 3 ibi: diminuendi causa, usque ad d. quod alimentis ejus necessarium est, mittendus est. ff. de carbon. edicto.*

(3) *arg. const. Elect. 22. §. Wann aber von den Gleubigern. par. 2. Exceptio est, nisi debitor evidenti prematur inopia, quo casu arrestans alimenta ei prestabit. arg. l. si instituta. 27. §. de inofficioso. 3. ibi: propter inopiam pupilli placuit alimenta adversarium ei subministrare necesse habere. ff. de inoffic. testament.* Quid autem a creditore tali casu loco alimentorum singulis diebus debitori prestandum? Hic quia conditio personarum inspicitur, judicis arbitrio relinquitur. *Coler. de process. execut. p. 2. c. 3. à n. 120.*

XX.

Arrestantes tempore priores, an creditoribus hypothecariis tempore posterioribus jure Saxonico præferantur? Affirm.

Ratio (1.) quia arrestantes jus reale in bonis debitoris arrestati consequuntur. *Const. Elect. 28. p. 1. §. ferner. ibi: Denen/h.e. Arrestanten/wir hiermit eine dingliche Gerechtigkeit der*

Prior

Prioriter haben / von der Stund anzufangen / da der erste Nummer
geschehen / vnd gebühlich verfolgt / geben vnd gestatten. Ergò hoc
jus illis absque facto proprio per debitorem postea alteri
puta creditori hypothecario rem obligantem auferri ne-
que juris neque æquitatis ratio patitur. arg. *l. id quod nostrum*
est. 11. de R. I.

(2) per regulam generalem, qui prior est tempore. po-
rior est jure. *cap. qui prior est tempore. 54. de R. I. in 6. Moll.*
1. semel. cap. 26. n. 4. & ad constit. Elect. 28. p. 1. n. 78. &
79. Diss. Rauchbar. p. 1. q. 4.

XXI.

Arrestanti posteriori debitor prius
solvit, is pecuniam bonâ fide consumit,
an prior arrestans à posteriore pecuniam
solutam revocare possit? Aff.

Ratio (1.) quia quamvis vigilantia & industria postero-
ris creditoris debitum suum à debitore exigentis laudem
& præmium mereatur. arg. *l. pupillus. 24. in fin. ibi: jus civile*
vigilantibus scriptum est. ff. in fraud. creditor. l. summa cum
ratione. 21. in fin. princip. ff. de peculio. Tamen hoc non adeò
valere debet, ut propterea priori creditori jus suum reale,
quod ex primo arresto quæsitum habet, facto debitoris
auferri possit. arg. *l. id quod nostrum est. 11. de R. I. l. sed an*
hic. 3. ff. quod cum in eo qui in aliena potesta.

(2.) per textum elegantem in *l. scimus. 22. fin. §. sin verò*
heredes. 6. C. de jure deliberan. ubi licet creditoribus, qui ex
anterioribus veniunt hypothecis, res hypothecatas, si ex-
tant, à posterioribus hypothecariâ actione vindicare, vel
pecuniam, si consumpta sit, per conditionem ex lege con-
dicere.

(3.) quia

(3.) quia qui prior est tempore, semper est potior, nec considerandum, uter possideat, nec ne. *arg. l. creditor. 12. §. si priori. 10. ibi: licet posteriori res tradatur, adhuc potiores esse priorem. ff. qui potiores in pigno.* Koppen. par. 1. decis. 62. fin. Diss. Rauchbar. p. 2. q. 9. Thomas Herbaius lib. rer. quotidian. singul. cap. 5. Gail. 2. obs. 25. n. 16. & alii.

XXII.

Num quis per pactum sese ad arrestum obligare possit? Aff.

Ratio (1.) quia nihil tam congruum est fidei humanæ, quam ea, quæ inter partes placuerunt, servare. *l. 1. ff. de pact.*

(2.) per Const. Elect. 21. p. 2. ibi: Sondern daß der Gleuzbiger vermittelst des Richters Hülffe. & c.

(3.) quia volenti non fit injuria. *l. 1. §. usque adeo. 5. in fin. ff. de injuriis. l. in diem. 9. §. 1. ff. de aqua & aquæ pluvi. arcen.* Coler. de process. executiv. p. 1. cap. 6. à. n. 20. usque 102. Cludius de sequestration. cap. 5. n. 106.

XXIII.

An contractus arrestati, vel etiam carcerati, cum arrestante, arresto vel carcere adhuc durante initus valeat? Aff.

Ratio, quia arrestatus ipse sibi metum, si quis est, intulit, ideò non de alio, sed de seipso queri debet. *arg. l. si mulier. 21. in fin. pr. ff. quod metus causa.* Creditor sanè nihil eo casu injusti fecit. Gutirez. de juramento confirmator. p. 1. cap. 57. Peck. cap. 29. Exceptio est, nisi debiti modus excedatur. *arg. l. non est verisimile. 23. fin. §. si quis. 3. fin. ff. quod metus causa.*

Si Mer-

XXIV.

Si mercator vel debitor fugiendo, vel bona è loco amovendo, arrestum fregerit, quo poenæ genere coërcendus sit? Si postea ejus copia haberi potest, arctiori vinculo includatur, & arbitrio judicis puniatur.

Ratio, quia ubi specialis poena non est definita, licet judici eam irrogare, quam voluerit. *arg. l. 1. §. expilatores. 1. ver. quibus nulla specialis ff. de effract. & expilator. Farinac. de carcer. & carcerat. li. 1. t. 4. q. 30.*

XXV.

Qui arrestatum arresto vel carcere eximunt, quive arrestandum occultant, ut apprehendi nequeat, tandemq; effugiat, quâ actione teneantur? Actione in factum, ex edicto De eo, per quem factum erit. &c. ad id quod interest exolvendum.

Ratio est, quia uterque operam dat, ut creditor ab obligatione de facto eximatur, & debito spoliatur, quod fortè, elapso jam debitore, nunquam assuetur, *arg. l. ex hoc edicto. 3. ff. de eo per quem factum erit. Peck. cap. 26.*

XXVI.

Si ex duabus causis, quarum altera tantum probata est, quis arrestatus fuerit,

C

rit,

rit, estné arrestum propterea solven-
dum? Neg.

Ratio (1.) quia quando una ratio è pluribus cessat, non
statim jus totum corrumpitur, *arg. l. si non lex. 83. ff. de her. i. stituend.*

(2.) quia utile non debet per inutile vitari, *argum. capit. utile. 37. de reg. jur. in 6.*

XXVII.

Cautio sub qua arrestum propter litē
agitandam relaxatur, an tantum iudicio
sisti, an insuper etiam iudicatum solvi
comprehendat? Si persona fuerit arre-
stata, cautio de iudicio sisti videtur suf-
ficiens. (a) Si bona, cautionē putamus
præstandam esse de rebus cum fructi-
bus conservandis & restituendis. (b)

(a) Ratio est, quia per cautionem de iudicio sisti, actor
tantundem consequitur, ac haberet, si arrestatus in arresto
permaneret, non enim per solum arrestum conditio actoris fit
melior, sed nihilominus regula illa locum habet: inanis est
actio, quam excludit debitoris inopia. *l. nam. 15. ff. de dolo mal.*
Modestini. Pistor. p. 3. q. 110.

(b) *arg. l. litib. 20. ibi: si idoneū fidejussorem totius summe præ-
stiterint, quod omnes redditus ei restituent. Cod. de agric. & censu. l. si
quando. fin. ibi: si modo salvam rem futuram per idoneos fidejusso-
res promiserit. C. de ord. cognit. Köppen. p. 1. decis. 35. numer. 19.*
Schurff. cent. 3. consil. 15. n. 15.

XXVIII.

Arrestatus petit relaxari arrestum, sed
ob

ob inopiam vel aliam difficultatem fidejussoribus vel pignoribus cavere non potest, numquid ad juratoriam cautionem admittetur? Neg.

Ratio (1.) quia cum creditor per arrestum quodammodo incumbat rei, in qua plus cautionis est, quam in persona. *l. pl9 cautionis. 25. de R. l. nō videtur invitus cogi posse, ut debitori arrestum ad oblationem juratoriae cautionis dimittat.*

(2.) quia cautio idonea ad relaxationem requiritur. Ea a fit vel pignoribus datis, vel fidejussoribus constitutis, aliās lis finem accipere debet *arg. l. si fidejussor. 7. §. satisfatum. 2. fin. ff. qui satisd. cog. l. ergo. 4. §. addici. 8. ff. de fideicommissar. libert. præsertim quia est voluntaria. d. l. 7. §. 1. vers. si a. satisfatio voluntaria est. Iason in l. 1. n. 23. vers. sexto limita in eo. ff. qui satisd. cog.*

(3.) *arg. const. Elect. 30. p. 1. ibi: so lang bis sie gewisse Versicherung gemacht. Hering. de fidejussor. cap. 18. n. 105*

X XIX.

An iudex, qui arrestum sub idonea & sufficienti cautione relaxare nolit, possit actione injuriarum conveniri? Aff.

Ratio est, quia si quid per injuriam fecerit magistratus, injuriarum potest conveniri. *l. nec magistratibus. 32. ff. de injur.* At iudex, qui ad præstitam idoneam & sufficientem cautionem, arrestum non relaxat, nullum executionis juris prætextum habere potest, sed metas officii excedit, injustè & contra jura facit, quæ jubent, ut debitor arrestatus vel ejus bona, præstita idonea cautione relaxentur. *arg. l. si fidejussor. 7. §. fin. qui satisd. cogant. Moller. lib. 2. semest. cap. 4. n. 16.*

XXX.

An reus pecuniam, in quam conde-

C 2

mnatus

18
mnatus est, pro evitanda executione in
judicio deponere, & depositam sub præ-
textu reconventionis statim arrestare
possit, ita ut actor reconventus eandem
ad se recipere nequeat, antequam causa
reconventionis fuerit finita? Neg. Sed
actor reconventus pecuniam depositam
arresto non obstante ad se impunè reci-
pere potest.

Ratio (1.) quia reus sententiæ non satisfacit, qui illud non
verè solvit victori, sed saltem apud judicem deponit, cum
deponere pecuniam, non sit solvere. *l. si se non obrulit. 4. §. ait
prætor. 3. ff. de re judicat. l. si rem. 9. §. omnis pecunia. 3. ff. de pign. act.*

(2.) quia reconventioni de jure Saxonico non est locus, nisi
prius conventus planè sese liberaverit ab obligatione primi
actoris. Const. Elect. 7. p. 1. ibi: Und sey die Klage der Conventi-
on geendet und erörtert. quæ verba non tantum senten-
tiam, sed etiam executionem ejus omninò im-
portant. Coler. part. 2. decif. 275. Modest.
Pistor. p. 3. q. 114.

F I N I S.

Leipzig, Diss., 1593/1613

ULB Halle

3


004 954 793



V. 17







B.I.G.

Farbkarte #13

f. 26. num. 13. ~~20. 14. 31~~

RIORES
CONTRO-

Saxoni- No 18, 4

20
/

resti.

HAUS I. U. D.

ndet
VS Witeberg.
consuetis.

is Cober.

III.

